

Meeqqat atuarfianni ikiueqqaarnerup fagitut pinngitsoornani ilinniarneqartussatut atulersinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq)

Akissuteqaat

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Aappassaaneerinnineq

Meeqqat atuarfianni 6. Klassimit qummut ikiueqqaarnerup fagitut pinngitsoornani ilinniarneqartussatut atulersinneqarnissaa pillugu Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap isumaliutissiineranut Naalakkersuisut qutsavigaat.

Naalakkersuisut paasivaat isumaqatigiinneq annertusoq.

Siunnersuutip Inerisaaviup atuartitsissutini qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit nalunaarummik atuuttumik iluarsaanerannut ilanngunneqassaaq Naalakkersuisut inassutigissavaat.

Tamatumunnga atatillugu Naalakkersuisut Inerisaavik qinnuiginiarpaat ikiueqqaarnermi kalaallisut atuartitsissutinik ineriartortitsisinnaaneq siunertaralugu maanna atuartitsissutaasunik nalileeqqullugu.